

式訣

入局謂定息坐已生案几而前鏡於壇上懸鏡而前水陽神在鏡陰神在水靈寶真人仰其神於此速見形

靈寶大法宗師

靈寶承虛真君田筠靈寶真人陸上真上清妙行真人

局內召真榜須親寫

靈寶洞視局榜

今請法中錄內應干仙曹仙官靈官金童玉女功曹將軍使者吏兵一切真宰候本司朝真羅列職排立於此淨室中聽候召請一一分明見形一如

真司法令

用一牌兩面寫今日入局今日不入局洞

視畢即叩齒九道復官呪曰

向來所召官吏復還所治後召即到一如故事

每日早晨及晚下兩次入室行持洞視

洞視集神

東向平坐左手成文叩齒二十四通點啓心神崔宣意神楊德興速召集身中三部八景二十四神五臟六腑四支九竅千二百形影萬二千精光三萬六千毫竅等神並集身中无令散亂次叩齒默念曰

大靈九宮 太一守房 百神恭位 寬寬和同 長生久視 塞滅邪凶 急急如上清律令

如洞視鬼神懼即用此

方法齊戒吞服克日成其周而後始可以復使仙靈无務清淨靈寶之道有三上則


有帝一迴風之道付之於王宸中有中理五炁混合之法付於五帝下有十轉回靈之文付之於諸真三品之外緒餘之者以濟生度死為功以招具致靈為法夫學上道希慕神仙者莫不始於斯焉

靈寶无量度人上經大法卷之十四

靈寶无量度人上經大法卷之十五 金五 靈寶洞視品

洞視內行

收神 後右生上三十六息 納息 先陽日左生二十四息



☰ 光

☷ 後陰日用

靈神 先陰日右減二十四息 現形 後左下生三十六息

陽日先三十六息成一爻為乾後二十四息

成一爻變成坤卦

陰日先二十四息成一爻為坤後三十六息

成一爻變成乾卦

此每日吞服玉札畢端坐調息收神炁海

納息丹田存腎中有真炁如紅絲狀在丹田中書中篇內四字畢用大候養以鼻引

天上青炁入臍下畫成一陽爻如丹砂色

排於氣海中六次引青炁成六陽爻次以鼻引元上黃炁入炁海壹成一陰爻再引天上黃炁六次通為六陰爻即止鼻引炁時微微心暗數之陽日九息陰日六息不可太麤引炁下不可咽亦休送入六爻畢陽日左轉四十九陰日右轉三十六於炁海中使炁調和轉畢叩齒九通止如有氣泄下氣任其自然不可抑止

洞視催法呪曰

王母仙姑攝王母仙桃攝王母真炁降我令服仙朮令我到東家我今服仙桃令我到瓊瑤得見東王父王父教青童青童降我救王母降真炁令我知吉凶令我得洞視微見諸鬼神變化無凝滯王父真炁攝王母真炁攝

精思法

東王父五色衣絳冠名無為字君解左有王喬右有赤松子居日中號君阿名伏羲萬神之祖萬炁之先
西王母五色雲髻名自然字君思左有圓光玉女右有太陰玉女太虛元炁之祖萬炁之

先

右當常行之

請官通目法

重請弱水玉女千四百人衣白衣為臣通達神影知萬里吉凶

次存定中五色童子千乘萬騎善相而入

日中次呪曰

左目童子名飛靈右目童子名晨嬰赫若天威放流星朗觀無窮徹玉清急急如律令

右每存童子叩齒九通念呪九遍吸青炁

漱津三口入肝中以二手大指指日君訣

抵目九過止

仙人洞視法

三日前齋沐至三更月正中不得不見月

也見月上香祝曰

臣某三元正日上啓

周將軍太陰君右晶水母三天真卿上清使者光照六律神仙布光月后玄洞君照日君太極蒙齋君上清三皇內真三天佐命真皇五明君元皇領籍君臣不敢煞害妄傷願通

右目洞視見鬼神形狀隨法進入注大光明從目入腦從腦入目往來無礙悉得神仙巨令受炁願得如意

念畢退後足丁罡前行三步閉炁佇視月光自鼻引月之光華炁極方咽之了即吐

炁手中揉洗左右目審呪曰

迴風混合法師降光童子攝

誦畢揉目誦呪六度即止受持後自當日始常以器收露水噴晨洗面如無露以冰霜雪皆可用凡用洞視之法指本眸訣轉

一而却於本日辰指住閉左目以右目視

之時視不得瞬目不得見尸穢如避尸不及若已見即解之朱書符置水中洗淨

洞視攝見法呪曰

天地日月照處萬神現形

先書道言二字念上呪次念魁胞魁魁魁

魁魁左七轉便吸炁吹在手中指眼至妙

先書道言二字念上呪次念魁胞魁魁魁

魁魁左七轉便吸炁吹在手中指眼至妙



如攝召亡魂即吹在紙帳及牆上

又法呪曰

左目神珠之池右目玉珠之池願乞神符神水洗吾兩目令其清明遠視萬里急急如律令



呪曰

天開地迷問一知十問十知百神符入腹心開意解耳目聰明急急如律令

符燒灰清水吞下訣東北燕

又洞視服玉字訣

入靖叩齒九通坐調息八十一息息勻存

元始上帝太上道君太上老君坐腎中央神龜上王母丁甲侍衛心丹如日即依經存身坐青黃白三色雲炁之中內外翁鬱上丹田青色中丹田黃色下丹田白色內外如垣墻冥合身室存青龍從肝出立左

白虎從肺出立右朱雀從心出立前玄武從腎出立後獅子六隻從後心出白鶴六隻從頂出羅列左右如虹蜺洞照十方日月照明洞煥室內存日月兩日頂生圓象先映十方通上合圖如光色次存四方三十二天宮金樓玉殿在空中五色雲內於宮內存天帝袞冕絳色儼然而坐如此分明即自皇曾天始一叩齒一心拜皆足即密呪曰

无上玄元太上道君召出臣身中三五功曹

左右官使者侍香金童傳言散花玉女五帝

直符直日香官各三十二人出關啓所言今日吉慶長齋清堂修行至經无量度人臣為

洞視萬靈微視鬼神所啓上達逕御

无上三十二天元始上帝至尊元前

畢鼻引東方八天入肝西方八天入肺南

方八天入心北方八天入腎次看日支面

本方天位坐如交日念呪曰

寂寂至無宗 虛峙劫仞阿 豁落洞玄文

誰測此幽遐 一入大乘路 執計年劫多

不生亦不滅 欲生因蓮華 超陵三界徒 慈心解世羅 真人無上德 世世為仙家

再呪曰 雲象太虛 浩劫之家 乍遇乍遁 或沉或浮 五方徘徊 一丈之餘 天真皇人 按筆乃書

以演洞章 次書靈符 元始下降 真文誕敷 昭昭其有 冥冥其無 沉滯自罷 慶勞得浮

豐將出沒 由是昇仙都

發如是願者伏為洞視萬靈微視鬼神普

度無窮濟拔幽冥念玉札一編吞隱諱又

一編即存本天色炁氣次見

天帝口吐本色光同炁混合一道直下灌

注頂門以次及七竅一身皆滿良久仰看

天方有本天八色赤字光明見空中次兆

以鼻引玉字吸一字入心引一字入脾吸

一字入肺一字入肝鼻引一字入腎口吸

一字入泥丸一字入中丹田一字入下丹


田八字畢存入五臟三丹赤色如火光久

久忽爾目觀夢見內視分明却是洞微之

祥應也或清潔之士日行八天或一日一

夜取足便可七日中見仙真視鬼神也存
三田五腑五色紫光照徹五臟七竅畢八
拜了即起居行法

三皇總真幽天符





書幽天符呪曰

九老帝君仙都大神三皇帝君八座真靈六
甲直符三官百靈令服幽天神符欲知未來
休咎告我心神隨事報應通聖通靈急急如
九老帝君律令呪蓋筆畫
拾玉清訣

通妙訣


魁魁魁魁魁二七日書篆吞服畢次書幽
天符服之

三皇帝君洞視之符



太上老君微視符以天關日服一年見萬里
符書鏡上照形恒東見西見石中寶

太上八史洞視符



丹書紙上照日飲以清水送下仍服符投
水中洗目遠望千里符投水中向日所出
以投水中日則遠矣

玉清通目法呪曰凡遇飛星咽之

天受星靈飛下臣身鬼神微見混合至直

右服流星之先法曰凡受先炁吞下丹田
之後却靜坐觀丹田所得之炁盤旋目丹
田左升上洗繞兩目之穢復歸丹田

通目呪符

光光明明照見東靈玄中之聖聖中之神

神靈付具與道合同



洗吞皆可朱書黃紙上東炁玉清印

太上呪水洗目洞視呪


日出東方赫赫大光神靈衛我通目仙郎
吾降游藻速付童鹿三元滿體八神作護
黃老律令急令目光炤轉世界急用童鹿
游廣童全虎理急急如律令敕

右法以昂日雞日清旦望太陽持七徧取
日炁吹水洗目四十九次寧神閉目靜坐
少時開目如此七日便見鬼神四十九日
即見天人自昂日雞日受持呪水早晨呪
水七徧日炁吹聖前令男女洗五十次又
依前閉目靜坐少時忽令開目即見天人
鬼神忌事厭見事畢收法呪曰
黃老律令游童鹿老却收本局恐泄神機急
急如

黃老律令

以神念呪吹目袖拂男女面吹與湯湯服
右洗七星神呪每日望太陽持七七徧呪
水服洗目夜望北斗七七徧呪水服洗目
一百日神童若步斗子午卯酉時各七徧
辟兵災水旱除孽字妖星延年長生救萬
鬼布庶除百病

太上通明神符



女人

男子

凡書符左手結斗印右手執筆視筆呪曰
此筆最靈 天帝賜我 真仙衛形 辟怪除病
使我長生 書符呪水 保合利亨 急急如律令
單鼻引豎炁吹筆禪訣
敕力敕力 單力白直 天監治頭 地監治足

人監治手 扁鵲治目 神符所到 萬病消縮
急急如律令

右符專治男女諸般目疾大能明目通視
遇四立日或寅申巳亥四始月初一日及
甲子日庚申日并自己本命日焚香向王
方春冬也依前法朱書不限多寡以多无
嫌毒日臨用以一道投淨湯一盞中浸洗
兩目投符呪曰

左目神珠之池右目玉珠之池今以神符投
水洗吾兩目願乞令其清明遠視萬里急急
如律令

畢次以杖攪之臨洗月呪曰
日出東方鬱鬱黃黃神符作水洗目痛瘡為
民毒炁飛揚濁炁消亡神符注水洗目光明
急急如律令

祭井除氣其法
過三會或甲子庚申三元八節用柏湯茶
酒各一十盞時果奇花香燈安設席位上
香步斗變神對井念呪行持取逐日所吞
方位之炁吹入井中呪曰

小炁真人姓名謹致祭于井中大神井中童
子井中神將井中靈炁直井護井一切真靈
某以地泉靈炁吞服洗沈臟腑滌滌穢氣洗
去耳目積塵積穢水為神通功成同賞不敢
負違


叩齒三通誦攝井呪百徧拍成文為訣呪
曰


演池寒水 清清潔潔 氣利廣大 萬道日生
五方泉流 周流不停 普濟帝命 萬邦莫凌
敢有干瀆 刑以大鈴 急急如

書玄救命


步斗圍井禁邪

如天罡子則井之午午則井之子餘倣之
變神步斗趨七星入井中想所步之星飛
流入井步斗如常式既步斗流星入井之
後以子午卯酉符用桃板書釘于井四畔
立界蓋免鬼炁忤井之炁也則使水易得
清淨靈明學者宜究之







禁井真符




右子地符北炁吹子訣



右午地符南炁吹午訣



右卯地符東炁吹卯訣



右酉地符西炁吹酉訣

造鏡祭獻

夫造鏡之法以紙剪圓鏡為用次尋古鏡
兩面陰陽鏡也以區安之左右不得留穢
處用香花酒果祭之次用攝鏡呪祝之祭

曰

小兆真人姓名謹致祭于某鏡中靈神鏡中
靈炁直鏡侍鏡護鏡一切神靈某受太上玄
元寶鏡洞照陰陽冥暗神靈鬼妖求與神通
某今祭爾神靈爾等神靈當使某目明耳聰

視聽徹達洞及陰陽不測之機功成同賞必
不負違爾其神靈惟其聽之

叩齒三通以攝鏡呪曰百攝玉皇訣呪曰
太玄上皇 禁炁而澄 黃老鑄鍊 太上所靈
照見鬼神 洞及幽冥 神不匿炁 鬼不逃形

千和所列 百魅所并 敢有不見 滅跡於形
應當速見 不得違令 鏡中之神 直鏡之靈
同功成日 飛升上清 急急如
上清律令救攝

祭印通靈

先擇吉日命工開造靈寶大法司印三天
太上印通章三天令同印九靈章奏印靈
寶諸印備香花酒果各十二分祭印中仙
靈呪曰

小兆真人姓名謹致祭于印中大神印中神
仙真炁真人字印靈官直印玉女直印玉童
直印仙兵印中神仙某受靈寶大法管攝鬼
神呼召仙兵通達徹視與神借遊永為至人
惟爾印中仙靈享此誠禮助某通炁功成同
享不敢負違

叩齒三通念攝印呪百攝攝攝監訣呪曰
神真炁真 炁真神真 神分太極 炁攝高清
玄印變化 妙應妙靈 急急如律令
無礙洞觀品
夫學招真之道當退思遠覽潛想內瞻坐觀

无涯洞想幽虛幽虛三歲中方審正真神披
朗達知未然究觀極天之境无幽不鑒无上
不關无下不眇遂受

大帝之號由積感所降豈生便任乎

此以手旦天光未分青輝始發之時以兩

手相摩令熱拭兩目皆三七過叩齒二十

四通以舌紙蕩口内上下周可令津液盛

生咽蒸九過畢以被通冠覆一身安體定

卧令中方審正當使内外寂實不聞音響

手掩兩耳閉目内存身見東方九萬里外

之事山川土色草木禽獸胡老之類如在

目前使分明審正不定更存久久自然見

也既分明便聞耳中有鐘鼓之聲琅琅良

久仍見東嶽仙官乘青龍碧霞手把五芝

從五女十二人著飛青羽裙齋青精玉髓

或以金盤授與我身既見仙官各種而受

之即服覺其味甘便更拭目咽蒸九過止

如此三年目見萬里之事耳聞萬里之音

无不朗然逆知方來吉凶禍福年算長短

之數兆即身生異光洞映表裏相具之道

其法至妙口口相付不傳於文兆宜閉口
奉行

先次還思如上法内存身見南方九萬里

之外山川土色草木禽獸胡老之人如在

目前使分明審正不定更存久久自然見

也既分明便聽耳中有百籥之聲嘈嘈良

久存見南嶽仙官乘丹霞蓋從五女十

二人著丹錦飛裙齋玄網絳寶或以金盤

授與我身既見仙官各種而受之即服覺

其味酸便更拭目咽蒸九過知此三年自

然洞觀幽虛日見萬里之外耳聞萬里之

音久久為之无不朗然逆知方來吉凶之

事體生玉澤面有玉光招真之道其法至

妙帝君口口相告不得文傳

此次還思如上法内存身見西方九萬里之

外山川土色草木禽獸胡老之人如在目

前使分明審正不定更存久久自然見也

既分明便聽耳中間金鼓之聲鏘鏘良久

仍見西嶽仙官乘素霞飛與從五女十二

人著紫錦飛裙齋金液丹精或以金盤既

見仙官各種而受之即服覺其味甜便拭
目咽蒸九過止如此三年目視洞微察見
无窮萬里之事吉凶禍福朗觀未然而有
金容招真之道不傳文傳口口相授

先還思如上法内存身見北方九萬里之外

山川土色草木禽獸見老之人如在目前

使分明審正不定更存久久自然見之既

分明便聽耳中間有銅鐘之聲琅琅良久

仍見北嶽仙官乘玄雲飛與手把五芝從

五女十二人著玄錦飛裙齋瓊液琅琅感

以金盤授與我身既見仙官各種而受之

即服覺其味苦便拭目咽蒸九過止如此

三年洞觀八方察幽究虛坐見无窮身輕

體明坐在玄空招真之道極真難宣口口

相告不得傳文

先還存思如上法内存身已身徹見九天之

宮臺山川林木飛龍走獸雲涯无際之端

與衆真相接群仙共言審正分明不正更

思久久自然分明便聽耳中間有五音絃

磬之聲如可聽聞良久因見中嶽仙官乘

霞飛龍從十二玉女著黃錦飛裙手把五色華幡齋五芝丹精威以金盤授與我身既見仙官各禮而受之即服覺其味甘使拭目咽炁十二過止招真致極妙法難可言宣行之三年洞觀幽虛微見玄冥真綠壽命吉凶之兆一身洞達面生玉光口口相告不得文傳存思五方既畢起坐東向叩齒九通祝曰

萬化混生 玄網御空 回輪无聲 運轉四方
 流光萬里 洞觀空洞 三清寶耀 飛霞鬱房
 晨精玄注 九竅開通 四會八達 存虛招无
 令我神慧 明究吉凶 驂駕玄輿 綵軒飛玄
 上昇太晨 進拜玉皇

帝君内存招真洞視觀天上法事畢於此立驗之妙殊於衆用中方審正一心存念入室百日便有彷彿將來三年神真洞微元不朗然萬不一遺可謂无中希真真焉之降其道幽微非世所論故口口相付不傳於文人貴祿位我貴此道四海之中欲易吾法吾未聞也吾道不死之根遂知未

然洞鑿幽虛仰測无窮聽徹萬里妙趣傍通天下之奇豈復過乎有得之者克乘蝶耕飛霞玄蓋上昇帝宸惟在寶秘慎勿妄宣違負盟科泄漏真文下及一身九玄父祖同克長使身沒幽泉負考三官艱苦被受明戒之馬佩受紫度炎光修學存真招真洞視之道恒於別室寂處不關人事靜念存思天下四方萬里之外山川林木草澤禽獸人民夷羌僉老異類皆來朝拜已身又思我兩目流火之光如天奔星煥落赫耀光克萬里之外四方山澤淮濟林木皆隨光消除極天清陽无復塵穢目觀无極之鄉周徧洞達无所不關皆令分明審正便叩齒九通仰祝曰

玄光内映 洞鑿无窮 徹視遠聽 九戶開張
 流精奔激 萬里清通 坐觀自然 逆究吉凶
 得乘飛霞 上登太空

畢引炁咽液七過止若能修行此道百日之中便有彷彿將來三年目觀空洞坐見萬里之外耳聞萬里之遠至極妙道非可

文傳口口相付竊之者風刀立至竟死无生九祖長役鬼官戒之戒之

靈寶无量度人上經大法卷之十五